

**GOVERNMENT OF THE
REPUBLIC OF VANUATU**

OFFICE OF THE GOVERNMENT
REMUNERATION TRIBUNAL
PMB 9094 Port Vila, Vanuatu
Tel: (678) 23625 Fax: 263181



**GOVERNEMENT DE LA
RÉPUBLIQUE DE VANUATU**
BUREAU DE CONSEIL DE RÉVISION DES
TRAITEMENTS
SPR 9094 Port-Vila, Vanuatu
Tél: (678) 23625 Télécopie: 263181

**DETAMINESEN 3 blong 2017 – DETAMINESEN LONG KLASIFIKEISEN BLONG SALARI MO OL
ENTAETOLMEN BLONG OLGETA MEMBA BLONG PALEMEN (MP) WE OLI HOLEM DIFREN
OFIS BLONG STET.**

Detaminesen ia i tokbaot salari blong olgeta memba blong palem (MP) we oli elektem o apoentem olgeta long ol posisen blong Stet mo olgeta isiu we i rilet. Hemi inkludim:

WANEM WE I STAP INSAED LONG PEPA IA

PAT 1 – BIGFALA LUKLUK.....2

PAT 2 – KLASIFIKEISEN BLONG SALARI BLONG OLGETA MP WE OLI ELEKTEM O
APOENTEM OLGETA LONG OL OFIS BLONG

STET.....2

PAT 3 – OLGETA ENTAETOLMEN BLONG OLGETA MP WE OLI ELEKTEM O
APOENTEM OLGETA LONG OL OFIS BLONG

STET.....3

PAT 4 – OLGETA ISIU WE I KAM WETEM.....4

TEBOL 1 – ANUOL SALARI WE OLI PEM LONG OLGETA MEMBA BLONG
PALEMEN WE OLI HOLEM OL DIFREN OFIS BLONG

STET.....5

PAT 1 – BIGFALA LUKLUK

1.1 Paoa:

- 1.1.1 Detaminesen ia i kamaot folem seksen 13(1) blong Gavman Remunereisen Traebunol Akt blong 1998 (CAP 250)
- 1.1.2 Traebunol i save givimaot ol gaedens not sam samtaem blong asistim Emploea we i risponsibol long administresen blong Detaminesen ia.

1.2 Hemi aplae long huia:

- 1.2.1 Detaminesen ia i aplae long olgeta ofis we oli listim long Kolum 1 blong Tebol 1 we oli atajem long Detaminesen ia.
- 1.2.2 Presiden blong Ripablik bae hemi entaetol long salari mo entaetolmen we oli detamaenem blong Praem Minista.
- 1.2.3 Olgeta we oli statem olgeta long Tebol 1 blong Detaminesen ia nomo oli shud tekem wan salari o wan entaetolmen long posisen we oli okupaem be i nogat blong wan narafala posisen bagegen.

1.3 Deit we i stat:

- 1.3.1 Detaminesen ia bae i efektif stat long namba 1 Januari 2018.
- 1.3.2 Taem we Detaminesen ia i stat, hemi shud tekem ples mo kanselem eni detaminesen o desisen we oli mekem long salari mo ol entaetolmen blong ol ofisa we oli statem long Tebol 1 we oli atajem long Detaminesen ia; eksept se olgeta entaetolmen ia we oli no statem long Detaminesen ia bae hemi kontiniu kasem taem we Traebunol i mekem wan Detaminesen long olgeta.

PAT 2 – KLASIFIKEISEN BLONG SALARI BLONG OLGETA MP WE OLI ELEKTEM O APOENTEM OLGETA LONG OL DIFREN OFIS BLONG STET

- 2.1 Wan memba we hemi holem wan wok long wan ofis we oli spesifaem long Kolum 1 blong Tebol 1, oli save pem hem long anuol salari we oli spesifaem blong ofis ia long tebol ia.
- 2.2 Taem we hemi stap administretem Detaminesen ia, olgeta otoriti i save, taem we i neseseeri:
 - (a) Aplaem salari blong posisen ia we oli statem long Tebol 1 mo
 - (b) Pem ol benefit bes long anuol salari blong period blong sevis blong man we hemi holem ofis.
- 2.3 I nogat wan Memba blong Palemén we oli save pem hem bitim 1 salari long wan taem anda long eni provisen blong Tebol 1 mo sipos wan memba i holem 2 o moa posisen, salari we oli pem long memba ia hemi salari we oli pem long posisen ia we hemi salari we hemi hae moa blong pem.

2.4 **Adjasmen long salari:** Folem seksen 2.1 blong Detaminesen ia, Praem Minista afta konsalteisen wetem Kaonsel blong ol Minista mo wetem abiliti blong Gavman blong pem hemi save mekem adjasmen long salari.

PAT 3 – ENTAETOLMEN BLONG OLGETA MP WE OLIEKTEM O APOENTEM OLGETA LONG OL OFIS BLONG STET

3.1 Haos blong Gavman

3.1.1 Olgeta ofisa ia oli entaetol long wan haos blong Gavman we i gat ol funija insaed wetem evri fasiliti we Gavman i pem: (i) Spika blong Palemen, (ii) Praem Minista, (iii) Deputi Praem Minista, (iv) wan Minista blong Gavman, mo (v) Lida blong Oposisen.

3.1.2 Long kes blong wan haos blong Gavman we i gat funija insaed, olsem we i stap long seksen 3.1.1, oli no save mekem hemi availebol, Gavman i shud risponsibol blong akomodetem Ofis holda long wan haos we hemi semak standet long wan haos we i gat funija insaed be rent blong hem i no bitim 120,000vt long wan manis mo hemi inkludim takis blong rent.

3.1.3 Long kes blong Praem Minista, sipos fi blong rent i hae moa long wanem we oli statem long seksen 3.1.2 blong Detaminesen ia, Daarekta Jenerol long Ofis blong Praem Minista i save eksesaesem gudfala bisnis akumen blong hem blong haosem Praem Minista.

3.2 Trak blong Gavman

3.2.1 Yusum 2 trak: Praem Minista mo Deputi Praem Minista i save entaetol blong yusum 2 trak we Gavman i pem; mo olgeta trak ia, sevis mo mentenens blong olgeta bae hemi long ekspenses blong Gavman.

3.2.2 Yusum wan trak nomo: Spika blong Palemen, wan Minista blong Gavman mo Lida blong Oposisen oli entaetol long wan trak we Gavman i pem. Sevis mo mentenens blong ol trak ia bae hemi long ekspenses blong Gavman.

3.3 Entaetolmen blong ol Lida olsem we oli statem long Lida Entaetolmen Akt

3.3.1 Alawens blong Foma Lida: Alawens blong foma lida hemi shud 40% blong karent salari blong Praem Minista mo taem we foma lida i ded, otoraes waef we i stap yet hemi shud risivim 16% blong karent salari blong Praem Minista.

3.3.2 Peimen blong Foma Lida: Peimen blong Foma Lida i shud semak long 3 manis salari mo oli pem olsem wan lamp sum peimen long foma lida.

3.3.3 Bereavement (Ded) peimen: Bereavement peimen long otoraes waef blong foma lida we i laef yet hemi shud semak long 3 manis salari blong foma lida mo oli setelem olsem wan lamp sum peimen.

3.3.4 Long pepes blong seksen ia mo folem Lida Entaetolmen Akt, wan foma Lida i rifea long wan foma Presiden blong Ripablik o wan foma Praem Minista blong Ripablik.

3.4 Olgeta benefit entaetolmen: Stat long namba 1 Januari 2018, olgeta Ofis long Tebol 1 blong Detaminesen ia i no entaetol long olgeta Tek hom pei entaetolmen ia: Pikinini, Famili o Waef alawens, Kost blong Living alawens, Entetemen alawens, Fuel alawens, Haosing alawens mo Telefon alawens.



PAT 4 – OLGETA ISIU WE I KAM WETEM

4.1 Wei we oli shud pem olgeta entaetolmen ia hemi risponsabiliti blong Gavman.

Oli saenem long namba 17 Novemba 2017.



Marie Antoinette Nirua
Jeaman



Chris Kernot
Membra



Roan Lester
Membra



Detaminesen 3 blong 2017: TEBOL 1 – ANUOL SALARI BLONG OLGETA MEMBA BLONG PALEMEN WE OLI HOLEM DIFREN OFIS BLONG STET

- **Salari adisonol long Ripresenteisen Alawens**

Folem seksen 13(1) blong Gavman Remunereisen Traebunol Akt, ol anuol salari we oli pem long olgeta Memba blong Palemen we oli holem ol difren ofis blong Stet i stap andanit ia.

1. **Tebol 1 – Anuol Salari we oli pem long olgeta Memba blong Palemen we oli holem ol difren ofis blong Stet.**

Ofis (Kolum 1)	Greid		
	Minimam	Midpoen	Maksimam
	1	2	3
<i>Palemen</i>			
Spika blong Palemen	7,580,600	8,009,600	8,528,100
Fes Deputi Spika blong Palemen	5,000,400	5,324,100	5,650,500
Seken Deputi Spika blong Palemen	1,838,400	1,906,500	1,974,600
Lida blong Gavman Bisnis	3,408,300	3,527,600	3,739,300
Gavman Wip	3,029,600	3,135,600	3,220,900
Oposisen Wip	2,585,300	2,693,000	2,787,200
Jemen blong wan Palementeri Komiti	2,202,300	2,298,000	2,393,800
<i>Kaonsel blong ol Minista</i>			
Praem Minista	9,010,800	9,594,100	10,137,200
Deputi Praem Minista	7,580,600	8,009,600	8,528,100
Minista blong Faenans	6,738,300	7,151,500	7,580,600
Minista blong Gavman	6,356,900	6,738,300	7,151,500
<i>Ofis blong Oposisen</i>			
Lida blong Oposisen	6,356,900	6,738,300	7,151,500
Deputi Lida blong Oposisen	3,968,600	4,206,700	4,444,800

2. Spika blong Palemen taem we hemi akting Presiden blong Ripablik hemi shud tekem salari blong Presiden blong Ripablik.


3. Fes Deputi Spika blong Palemen taem we hemi akting Spika blong Palemen hemi shud tekem salari blong Spika blong Palemen.
4. Seken Deputi Spika blong Palemen taem we hemi akting Spika blong Palemen hemi shud tekem salari blong Spika blong Palemen.
5. Deputi Praem Minista taem we hemi akting Praem Minista hemi shud tekem salari blong Praem Minista.
6. Wan Minista blong Gavman taem we hemi akting blong wan nara Minista blong Gavman hemi shud tekem salari blong Minista blong Faenans.
7. Deputi Lida blong Oposisen taem we hemi akting Lida blong Oposisen hemi shud tekem salari blong Lida blong Oposisen.

Oli saenem long namba 17 Novemba 2017.

Marie Antoinette Nirua
Jeaman

Chris Kernot
Membra

Roan Lester
Membra



Efektiv stat long namba 1 Januari 2018.